



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/04-34-sl./20
Sarajevo, 10.3.2020. godine

SVIM OSNOVNIM ŠKOLAMA NA PODRUČJU KANTONA SARAJEVO
SVIM SREDNJIM ŠKOLAMA NA PODRUČJU KANTONA SARAJEVO
n/r direktora/direktorice

PREDMET: Naredba Kriznog štaba Ministarstva zdravstva Kantona Sarajevo

Cijenjeni/Cijenjena,

Krizni štab Ministarstva zdravstva Kantona Sarajevo zbog praćenja situacije i poduzimanja mjera radi sprečavanja i ranog otkrivanja bolesti izazvane novim koronavirusom koji je proglašena zaraznom bolešću, čije je sprečavanje i suzbijanje od interesa za Federaciju BiH, na danas održanoj sjednici donio je naredbu kojom se preciznije definira i nalaže postupanje javnih subjekata i pojedinaca u trenutnim okolnostima.

- Od danas je na snazi naredba Kriznog štaba Kantona Sarajevo: Otkazuju se javna okupljanja s više od 250 učesnika.

- Nalaže se bolničkim ustanovama u Kantonu Sarajevo da zabrane posjete bolnicama, kao i u ustanovama socijalne zaštite koje zbrinjavaju djecu, mlade i stare osobe na području Kantona.

- **Nalaže se zdravstvenim ustanovama otkazivanje nastave za đake srednjih zdravstvenih škola i studente fakulteta zdravstvenih usmjerenja.**

Shodno navedenom, potrebno je da se srednje škole zdravstvenog usmjerenja pridržavaju naredbe, na način da se obustavi realiziranje praktične nastave koje se izvodi u zdravstvenim ustanovama na području Kantona Sarajevo.

- Osobe koje imaju akutne respiratorne simptome i febrilna stanja, a nisu pod zdravstvenim nadzorom, nemaju istoriju putovanja u ugrožena područja, **u prethodnih 14 dana, kao ni kontakt s osobama koje su putovale u ugrožena područja, potrebno je da pozovu dežurne brojeve telefona** nadležnih domova zdravlja Kantona Sarajevo, kako bi dobile savjet i instrukcije za daljnje postupanje.

- Samoinicijativni odlazak u Hitnu medicinsku pomoć ili urgentne centre Opće bolnice "Prim. dr. Abdulah Nakaš" i KCUS-a je kršenje Zakona o zaštiti stanovništva od zaraznih bolesti FBiH.

- **Nalaže se osobama koje su posljednjih 14 dana boravile u zemljama koje su ugrožena zarazom novim koronavirusom** (posebno Kini, Italiji, Južnoj Koreji i Iranu, a i sva druga



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



ugrožena područja), a nisu prošle sanitarnu kontrolu na graničnim prijelazima i nemaju izdato rješenje o zdravstvenom nadzoru/samoizolaciji, da se obavezno telefonski jave nadležnoj epidemiološkoj službi Zavoda za javno zdravstvo KS na otvorene brojeve telefona, u cilju uspostavljanja zdravstvenog nadzora i vođenja registra. Neprovođenje ove mjere zaštite stanovništva od zaraznih bolesti podliježe krivičnoj odgovornosti.

- **Svim nastavnicima i učenicima u javnim i privatnim osnovnim i srednjim školama**, koji imaju simptome respiratornih bolesti, upućen je nalog da ne dolaze u školu. Isto se odnosi na odgajatelje i djecu u obdaništima, javnim i privatnim. Nepridržavanje je kršenje Zakona o zaštiti stanovništva od zaraznih bolesti FBiH.

Još jednom podsjećamo na preporuke za građane Federacije Bosne i Hercegovine, koje je izdala Služba za epidemiologiju Federalnog zavoda za javno zdravstvo.

Opće mjere prevencije od respiratornih bolesti:

- Često prati ruke vodom i sapunom (najmanje 20 sekundi) ili koristiti sredstva za čišćenje ruku na bazi alkohola (min. 69%);
- Prilikom kašljanja ili kihanja pokriti usta i nos unutarnjom stranom lakta ili jednokratnom maramicom – baciti maramicu odmah nakon korištenja i oprati ruke;
- Izbjegavati dodirivati oči, nos i usta neopranim rukama;
- Izbjegavati blizak kontakt sa osobama koje imaju povišenu temperaturu, kašlju i otežano dišu (razmak od 1m);
- Svakodnevno očistiti i dezinficirati površine koje se često dodiruju. Očistiti i dezinficirati površine kupaonice i WC-a barem jednom dnevno;

Preporuke su podložne promjenama i usklađivat će se prema trenutnoj epidemiološkoj situaciji.


Potrebno je da se sve osnovne i srednje škole u potpunosti pridržavaju datih naredbi te da prate upute i savjete o poduzimanju preventivnih mjera koje preporučuje Krizni štab Ministarstva zdravstva Kantona Sarajevo i Federalni zavod za javno zdravstvo.

Takoder, još jedanput napominjemo, Ministarstvo za obrazovanje, nauku i mlade Kantona Sarajevo je u stalnom kontaktu sa direktorima škola i institucijama čija je nadležnost briga za zdravlje naših sugrađana i djece, te Vas ovim putem obavještavamo da ćemo, u skladu sa uputama, postupati i donositi odluke u cilju prevencije i zaštite zdravlja učenika.

S poštovanjem,

MINISTAR

Mr. Anis Krijić

web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

